

O krajevoj ćeri koja se nije tila  
nasmijat



Bila su tri brata , dvo mudra , a jedan lude .  
A i bila je u jedno krajestvo jedna krajeva ćer  
koja se nikad , nikad ni tila zasmijat





A kroj je jovi po  
krajestvima da ko  
je zasmijae , da  
će ga bocit  
jabukon i da će bit  
njegova žena.

Hodilo je tote  
puno , puno  
mladosti i puno  
svita , nika se ona  
zasmijat

Jedon brot mudri je išo  
vidit sriću.

I on gre, gre, došo do  
jedne velike lokve  
vode.

Unutra jedna stora se  
kupo i govori:

-Prijateju - govori -  
izvad me, daću ti sriću

.  
Išo je ća i ni joj pomogo.



Doša u krajev  
dvor, čini on na  
dvoru svake šeste,  
svake komedije,  
svake šole. A  
neće ona da se  
zasmije nikako.  
Doša on doma  
žalostan, ni učini  
ništa.



Išo i drugi  
brat. Došo i on na  
tu veliku lokvu.

Opet stora ga  
moli da pomogne.  
Ni imo vrimena i  
ni joj pomoga.

Doša je doma i on  
žalostan. Nije  
učini ništa.





Išo i treći brat..  
-Eh, šempjo, mi  
dva mudra nismo  
učinili ništa, da  
ćeš ti lude! -

I on doša do te  
lokve i stora isto  
govori. On poteže  
i izvuko ti je.


Dola mu je jedan  
svirak . I govori:  
-Kad te bude voja  
, zasvir.

I on gre gre i došla  
mu je voja pa je  
u nj zasviri.

Eto mu lipo tri  
zlotne pajke sa  
zlotnima perjima.







Ćapala ga je noć .Vaja  
da ide digoder spat .

Nošo je kuću. Zamoli  
je dvi sobe. Drugu za  
pajke jer su zlotne pa  
da ih niko ne ukrede.



Ali je on bi mudar veće nego lud. Zno je će će se dogodit. Ti čovik jemo je ćere . Oni su nosili kolbuke Priko noći se oni dogovoroju kako ćedu mu poč ukrast jedno perje zlotno.



Išla je jedna u noćnu košuju. Došla blizu pajke da će ukrašt perje. Prilipila se je. Išla je druga i treća. I ona se prilipile.



Ujutro je zno će  
se je dogodilo.

Čovik ga moli da  
hoće mu prodat  
ote tri pajke.

-Nikako on !Ala  
posli se je  
persvadi i prodo  
mu hi je.

Ostavi pajke i  
tri cure u njega.

.



Išo ća. Uvik on čuvo  
svirak. Zasviri je.

Eto mu sve tri pajke, eto  
mu sve tri cure!  
Pasoju pored jednoga  
pekora. Prilipi se i on sa  
svon lopatom za cure.





A gre daje, gre daje, gre daje. Kad ono jedon  
frotor ti pomoć curi i puf! Prilipi se i on.

I on gre, gre, gre. A vidi to jedan pivac, puf!  
Ti ugrist frotra i prilipi si i pivac .



Došo je isprid  
kuće krojeve.

Išo gori u dvor, a  
njih svih ostavi.

Čini on gori  
komediju na  
dvoru. Neće ona  
da se nasmije.  
A on zažvidi!









Zvoli ga gori .  
Činit će mu  
vjenčanje, kad  
mu dođu i braća.

I on došo doma.  
Braća nisu  
virovala da oni  
mudri nisu uspili  
, a on je.

Onda su se  
spremili i išli.



Živili su lipo i  
sritno  
i zadovoljno i  
činili pir i  
svekoliko.

Prilagođeno uzrastu 1. razreda prema istraživanju bračkog pripovjednog folklora 1969. M.Bošković- Stulli .

Bajku je kazivala narodna pripovjedačica Katica Zago , udana u Supetru .

Prilagodile: Alda Šlender i Vedrana Wolf

OŠ Supetar